



IKUGA FONO

FONO FAKAMUA
26 – 30 Oketopa 2015
NUKUNONU

FONO FAKAMUA

26 – 30 Oketopa 2015

MATAKUPU	PAHINA
1. Fakatautoga o na Hui Fou	3
2. Tufatufaga o na Tofi Fakaminihita	3
3. Fakahoahoaga o te Tupe 2015/2016.....	3 - 5
4. Hikimi Hupa.....	5 - 6
5. Fakaleleiga o te Tulaga o te Olaga o Tagata – Auala ki Mua	6 - 7
6. Takiala mo he Taimi Pukupuku mo Atiakega (ISP) 2015/2016	7
7. Lipoti o te Iloiloga o te Ola Malolo ma te Auala ki Mua	7 - 8
8. Na aiaiga o na galuega fakatino ma te kotokotoga o na galuega ke fakalelei na akoakoga	
8.1 Kotokotoga o te Poloketi: Huiga o na akoakoga i luga o Tokelau aotelega o na Tautuaga.....	8
8.2 Fehoahoaniga Fakaopoopo mo na Akoakoga	8
8.3 Talohaga mo he tulaga galue fou i loto o te Mataeke.....	8 - 9
9. Hikimi Hikolahipi a Tokelau.....	9
10. Tautuaga tau Vakalele	9 - 10
11. Fagotaga: Pulepulega ma te Fakagalue.....	10 - 11
12. Tulafono Fakatutu	
12.1 Toe Teuteuga ki na Tulafono o te Tupe 1998	
ma na Tulafono o Fale Tupe 2004	12 - 14
12.2 Vaka i te vai-nuku 2015	15 - 23
13. Fakamanuiaga o na Hui Faipule ma na Hui Pulenuku	24
14. Poloketi mo te Kikilaga o na Meatotino.....	24
15. Inati o na Nuku mai te Tupe o te Hone Fagota	24
16. Fakaaogaga o na Fehoahoaniga tau tupe mai fafo mo Tokelau e aofia ai te Tupe Polokalame mai te Fakalapotopotoga o Faiga Faiva	25
17. Lipoti o na Galuega a te Malo Fakaauau	25
18. Tuhi o na tukutukuga o Galuega ke fakatino/mo he taimi mataloa – Vaka o Tokelau	26
19. Iloiloga o te Tuhi Takiala mo te Kaufaigaluega Tautua.....	26
20. Fakafehiliglia te Fono Fakamua ki ni matakupu na tuku atu e te Taupulega Atafu I ni taimi kua teka.....	26
21. Hauatea, Hui Fono Fakamua & Kaufaigaluega Tautua	27 - 28

Pepa Fakaopoopo

- 1. Vaevaega o te Paketi Tupe 2015/2016**

1. FAKATAUTOGA O NA HUI FOU

Ko te mamalu o te Fono Fakamua na **matau** te fakatautoga o na hui mamalu e veia ona takua I lalo:

- i. Aliki Faipule Afega Gaualofa, Fakaofo
- ii. Hui Fono Fakamua Kelisiano Kalolo, Atafu
- iii. Hui Fono Fakamua Lepaio Simi, Atafu
- iv. Hui Fono Fakamua Iona Teata, Fakaofo

2. TUFATUFAGA O NA TOFI FAKA-MINIHITE

Ko te mamalu o te Fono Fakamua na **matau** ma **pahia** te tufatufaga o na Tofi Faka-Minihita ki na hui takitahi I loto o te Malo Fakaauau e veia ona takua I lalo, e tuha ai ma te Tulafono Fakavae i te kua iei o he tahi faiga palota ma Fakaofo i te aho 8 Iuni2015.

Hui	Tofi Minihita
Hon. Siopili Perez I te tofi Ulu o Tokelau	Tupe Ola Malolo Kaufaigaluega Tautua i te Atunuku Ofiha o te Malo Fakaauau (e aofia ai te Va ki Fafo, Fakamahinoga)
Hon. Kuresa Nasau	Hikomaga, Tamaokaiga & Lihohi Fakatenatula
Hon. Afega Gaualofa	Femalagaakiga Malohiaga
Hon. Panapa Sakaria	Tautuaga Lagolago
Hon. Mose Pelasio	Fehokotakiga
Hon. Saili Peau	Akoakoga

3. VAEVAEGA O TE TUPE 2015/2016

Ko te mamalu o te Fono Fakamua na:

i. matau:

- i. te pepa mo te vaevaega o te Tupe 2015/2016;
- ii. e iei ietahi vaega tupe a na Mataeke e maua mai I na tahi fakalapotopotoga mai fafo f.t. UNDP, WHO, SPREP mtm e kave hako lava ki na Mataeke, kae e tatau ona tuku ki na tupe fakatahi a Tokelau.

- iii. te tatau ketapena fakalelei o he Peleni ma Tokelau ke tautali atu ai ki te Huiga o te Tau;
- iv. mo te agai ki mua, e manakomia ai e te Teletok he fehoahoaniga tau tupe mai te Malo mo te fakaleleiga atili o te Polokalame mo na Telefoni Taukave;
- v. kua lahi te tupe maua a Tokelau e maua mai te Hone I lo te tupe e maua mai te Malo Tauhi;
- vi. i na talanoaga a na hui mai Niu Hila e fakataua e latou te faigapaaga a Tokelau ma Niu Hila, kae kua tipi mai e latou te Tupe Tauhi mo Tokelau ki te \$12m I lo te \$14m na folafola mai e Niu Hila;
- vii. e iei na fakatupega a na Mataeke e feta, ki na Mataeke ienei ke fau fakatahi na polokalame ma tuku hako ki na Mataeke e tau tonu ki ei;
- viii. fautuaga a te Malo o Samoa e mafai ke kavekehe te tiute mai na koloa a Tokelau kafai e fai fakalelei he hihitemi ma Tokelau mo ana koloa, ke iei he fale mo Tokelau I te uafu ke laku ki ei ana koloa kae ke taugofie ai na koloa ma te tiute;
- ix. na lipoti o te tulaga o na ika mauakua he maua e na Taupulega ni lipoti mai te Mateke o te EDNRE;
- x. ke amanakia na tuhi pahi o tatou tagata faigaluega;
- xi. na fakafitauli o na nuku e tuha ai ma te tulagao na manu fakalafua I luga o na nuku;
- xii. te peleni taki mo te auai o Tokelau ki te Fonotaga mo na Huiga ki te Tau (COP21);
- xiii. te Lipoti fakaataata mo te Fakatulagaga o na Totogi i he falitega o he hikitaga talafeagai o na totogi o te kaufaigaluega;
- xiv. ke auiliili uma na talohaga tupe a na Nuku ma na Mataeke.

ii. malilie:

- i. ki na Paketi Tupe a na Nuku ma na Mataeke muna te Iloiloga o te Tupe I te tauhaga fou;
- ii. ki na vaega tupe kua takua I lalo ke tokehe mai te \$3m tupe fakaleoleo:
 - i. \$1m ki te Mataeke o Tautua Lagolago ke tau kamata ai te Ofiha o Tokelau I Apia, ma ke tuku atu tenei vaega tupe ki na Polokalame Fakapitoa a te Atunuku kae ke mafai ai ke fakaauau ki te tahi tauhaga tupe;
 - ii. \$750,000 ki te Mataeke o Femalagaakiga mo te tatou vaka fou MV Mataliki, kae ke iei ni fehokotakiga ma te Malo Fakaauau ki Niu Hila ko tenei vaega tupe e toe maua mai;
 - iii. \$40,000 ki te Mataeke o Akoga mo te Polokalame mo te Koleniga o ni fanau ke olo akoako I Don Bosco, I na hikili e

- manakomia mo na galuega atiake I luga o fenua, manu te Iloiloga o te Tupe kafai e manakomia he tahi vaega tupe;
- iii. ke tamilo atu te Minihita ma te Fakatonu o Tautua Lagolago ke fakatalatalanoa ma na Taupulega ki ni o latou lagona e tuha ai ma te ata ma te koga e fakatu ai te Ofiha o Tokelau I Apia;
 - iv. ko te \$34,000 e talohaga mai ai te Mataeke o Malohiaga kua aofia I loto o te \$500,000 a te Paketi Tupe a te Mataeke fakatahi ai ma te vaega tupe mo te totogiga o te fale nae nofo ai te Fakatonu o Malohiaga;
 - v. ko te paleni totoe o te tupe fakaleoleo toe \$1,210,000 ma e fakaauau tenei paleni ki te Iloiloga o te Tupe;
 - vi. ke 10% te hikitaga o na totogi o tagata faigaluega uma, (totogi itula ma te totogi tumau), fakamanuiaga o na Taupulega, alauni o na Hauatea, alauni o na Hui Fono Fukamua, ma na alauni o na Takitaki Fono;
 - vii. ko ki latou e Konekalate e he aofia I tenei hikitaga;
 - viii. ke kamata mai tenei hikitaga I te aho 1 Iulai 2015;
 - ix. ko te \$500,000 na fuafua mo na Hikitaga ka fakataunuku ai na hikitaga a na Nuku;
 - x. ke gafa lava te Mataeke ma te fakatupega o a latou hikitaga kae ke fakailoa I te toe Iloiloga o te Tupe ni tau kua afaina ai a latou paketi;
 - xi. ke lagolago lautele te Lipoti fakaataata mo te Fakatulagaga o na Totogi, ki te Kaufaigaluega o te Atiakega o Tagata Faigaluega ke tamilo ki na Taupulega ma fakatalanoa te Lipoti a te Hay Group ma ke matau I ienei talatalanoaga ke fakatutuha na fakamanuiaga o na Fakatonu/Pule Fakahoa a na Taupulega ma na Fakatonu/Pule Fakahoa a te Malo.
 - xii. ke tuku atu na vaega kua takua I lalo ki te Iloiloga o te Tupe:
 - i. vaega tupe mo te Faletupe Atiake a Tokelau;
 - ii. vaega tupe mo na tauale e tau ki te Itupa o fafine;
 - iii. talohaga a Atafu mo he afi fekavefaki (mobile generator).

4. HIKIMI HUPA

Ko te mamalu o te Fono Fukamuana:

i. matau:

- i. ko na tulafono ma na aiaiga fakatetulafono na pahia I he taimi kua teka e ve ona manakomia ke alokia ai te fakagalue o te hikimi koi iei pea;

ii. **pahia** na huiga e fakatulafono ai te fai hao o tagata faigaluega uma venafoki ma te hao o te fakagaluetino ma te hao o te tino ke tutuha ke taki 4%;

iii. **malilie:**

- i. ke fakatino he Hikimi Hupa ma Tokelau ma ke kamata I te aho 1 Ianuali 2016;
- ii. ke tuku atu ki te Mataeke o te Tupe ke tapena mai he pepa I he fautuaga ki na tino kua he mafai ke fakaauau a latou galuega ona na pakivalea I he galuega.

5. FAKALELEIGA O TE TULAGA O TE OLAGA O TAGATA – AUALA KI MUA

Ko te mamalu o te Fono Fakamua na:

i. **matau:**

- i. na pepa mai na Taupulega;
- ii. te Peleni Galue a Fakaofo “Pokotau mo au Kapuga 2”;
- iii. mo te fakalelei atiliga o na tautuga, na hapoti ai e na Taupulega e tolu, ke fakatu he Komehina o Tagata Faigaluega; ma
- iv. mo ni huiga ki te pulepulega o na tautuaga e manakomia ai he huiga ki na Tulafono.

ii. **malilie:**

- i. ke fakatu he Komehina o Tagata Faigaluega;
- ii. ke fakatu he Komiti ke galulue fakatahi ma te Kaufaigaluega o te Atiakega o Tagata Faigaluega mo te tapenaga o na Taki (TOR) o te Komehina o Tagata Faigaluega;
- iii. ki te Komiti:
 1. Kaufaigaluega o te Atiakega o Tagata Faigaluega;
 2. Takitahi hui ma na nuku;
 3. Hui o te Pito ki te Tulafono
- iv. ki te mamalu o na Taupulega ke tofi mai o latou hui, e pa atu ki te 2 vaiaho o Novema 2015 kua maua o latou hui ki te Komiti;
- v. ke tamilo te Komiti tenei ki na Taupulega mo ni o latou hao ki na tiute o te Komehina o Tagata Faigaluega.

iii. **fakatonu** te Kaufaigaluega o te Atiakega o Tagata Faigaluega ke tuku mai he ata fakaataata ki na tiute o te Komiti oi kua tuku mai ai I he taimi o te fono.

I te kua iei o he tonu ke fakatu he Komiti mo te tuku fakatahiga o na tiute o te Komehina o te Kaufaigaluega Tautua, ko te mamalu o te Fono Fukamua na:

i. matau:

- i. te pepa.

ii. pahia na tiute o te Komiti mo te tuku fakatahiga o na Pepa fakagaluega (TOR) mo te Komehina mo Tagata Faigaluega a Tokelau e veia ona takua atu I lalo:

- i. Ke Iloilo te Tulafono mo Tagata Faigaluega 2004 ma ietahi tuhituhiga fakavae ke fai ki ei na huiga talafeagai ke fakatu atu ki te Fono Fukamua muamua o te 2016 ke pahia;
- ii. Ke tapena ma tuku fakatahi he Pepa Faigaluega (TOR) mo te Komehina o Tagata Faigaluega Tautua a Tokelau ke fakatalanoa ma pahia e te fonotaga muamua a te Fono Fukamua I te 2016; ma
- iii. Ke fakatalanoa na Taupulega agai ki na huiga ki te Tulafono mo te Kaufaigaluega Tautua a Tokelau 2004, ma ietahi tuhituhiga fakavae, ma te Pepa Faigaluega (TOR) mo te Komehina mo Tagata Faigaluega Tautua a Tokelau kae ko heki tuku maia ki te Fono Fukamua mo hana pahiaga.

iii. malilie:

- i. ko te tulaga o te Komehina o Tagata Faigaluega, ko te Pulepulega ma te Fakafoega o te Kaufaigaluega a na Nuku ma na Mataeke fakatahi ai ma na Polih i taki ai te Kaufaigaluega e aofia ai te atiakega o te iloa ma te mafai o tagata faigaluega.

6. FAKAATAATAGA O TE TAKIALA MO HE TAIMI PUKUPUKU (2015/2016) MO ATIAKEGA

Ko te mamalu o te Fono Fukamua na **matau** na vaega I te pepa fakatahi ai ma na vaega e fakamuamua mo na peleni galue mo te tauhaga tupe e fakahavali nei.

7. ILOILOGA O TE OLA MALOLO

Ko te mamalu o te Fono Fukamua na:

- i. **matau** te pepa.

- ii. **malilie** ke toe tuku atu he avanoa ki te Taupulega a Fakaofo, ke toe fakatalatalanoa ai tenei matakupu, oi kua tuku mai ai o latou lagona I te Fono Fakamua ka hohoko.

8. NA AIAIGA O NA GALUEGA FAKATINO MA TE KOTOKOTOGA O NA GALUEGA KE FAKALELEI NA AKOAKOGA

8.1 KOTOKOTOGA O TE POLOKETI: HUIGA O NA AKOAKOGA I LUGA O TOKELAU AOTELEGA O NA TAUTUAGA

Ko te mamalu o te Fono Fakamua na **matau** te Lipoti.

8.2 FEHOAHOANIGA FAKAOPOOPO MO NA AKOAKOGA

Ko te mamalu o te Fono Fakamua na:

- i. **matau** te pepa.
- ii. **talia:**
 - i. te pepa mo na fehoahoaniga tau heleni ke fakalelei atili ai na akoakoga I Tokelau.
- iii. **malilie:**
 - i. ke **fakamalohia** te Ofiha o te Ulu Fakatonu o Tokelau ke he toe tagofia na paleni totoe mai na Fehoahoaniga Tau Tupe kua malilie ki ei e aunoa ma te fakatagaga a te Fono Fakamua.
 - ii. ke **talia** te \$1.5m ma fakatonu te Ofiha o te Ulu Fakatonu o Tokelau, ko tenei vaega tupe e fakaaoga lava I Tokelau;
 - iii. ke **fakamalohia** te Malo Fakaauau ke galulue fakatahi ma te Ulu Fakatonu o Tokelau, ke fakamautinoa mai tenei vaega tupe e tuha ai ma te Lipoti a te ERO mo te fakaleleiga atili o na aoga a Tokelau e \$1m I te tauhaga mo he 5 tauhaga.

8.3 TALOHAGA MO HE TULAGA GALUE FOU I LOTO O TE MATAEKE

Ko te mamalu o te Fono Fakamua na:

- i. **matau** te pepa.
- ii. **talia** te fakatu o te avanoa galue fou tenei ko te Faufautua kina Matakupu Tau te Matata Kehekehe.

- iii. **malilie** ki te Fakatonu o Akoga ma te Kaufaigaluega o te Atiakega o Tagata Faigaluega (HR), ke galulue fakatahi mo te fakatotokaga o na vaega uma tau ki tenei tulaga galue fou I te Mataeke o Akoga.

9. HIKIMI HIKOLAHIPI

Ko te mamalu o te Fono Fakamua na:

- i. **matau** te pepa a te Taupulega a Atafu ma te Taupulega a Fakaofo.
- ii. **talia** te talohaga mo he fehoahoaniga fakaopooo ki fanau nofo akoga I fafo, kae ke matau I te Iloiloga o te Tupe.
- iii. **malilie:**
 - i. ke galulue fakatahi te Mataeke o Akoga, te Kaufaigaluega o te Atiakega o Tagata Faigaluega (HR) fakatahi ai ma te Kaufaigaluega Hinia (SMT) ke Iloilo na alauni ma tuku mai he latou fautuaga ki te mamalu o te Fono Fakamua;
 - ii. ki te Mataeke ma te Komiti Hikolahipi ke toe Iloilo ma toe tuku tonu te Polihi o te Hikimi Hikolahipi.

10. PELENI TUKUTAIMI MO TE FAKATAUNUKU O HE TAUTUAGA TAU VAKALELE: (VAEGA 1: KAMATA NEI MO HE TAIMI PUKUPUKU)

Ko te mamalu o te Fono Fakamua na:

- i. **matau** te pepa a te Malo Fakaauau ma te pepa a te Taupulega a Nukunonu, kae ke opotia fakatahi atu te pepa a te Taupulega ki na talatalanoaga a na Taupulega e tuha ai ma te fakatalanoaga o na Tautuaga Vakalele.
- ii. **malilie:**
 - i. ki te pepa, kae ke kave te pepa ke fakatalanoa e te mamalu o na Taupulega mo ni o latou lagona;
 - ii. ki te Ofiha o te Malo Fakaauau ke tapena mai he pepa ke tuku uma mai ai na fakamatalaga e tau ki tenei atiakega ki te mamalu o na Taupulega ma ke tuku atu tenei pepa kina Fakatonu/Pule Fakahoa o na Ofiha o na Taupulega, ka ko heki toe foki atu ki fenua;
 - iii. ke tuku atu he 2 vaiaho ki te mamalu o na Taupulega ke tautali mai ai ki tenei matakupu ma ke tuku atu o latou lagona ki te Ofiha o te Malo Fakaauau;

- iv. kafai e uma te 2 vaiaho e heki maua na lagona o te mamalu o na Taupulega e te Ofiha o te Malo Fakaaauau, ko tona uiga ko te mamalu o na Taupulega kua malilie ke kamata loa na tapenapenaga o tenei atiakega;
- v. mo te kikila mamao, ke kamata loa fakatalatalanoa e Tokelau ma Niu Hila te matakupu ki na malae vakalele.

11. FAGOTAGA: PULEPULEGA MA TE FAKAGALUE

Ko te mamalu o te Fono Fakamuana:

- i. **matau** te pepa.
- ii. **talia** na fautuaga a te Mataeke e veia ona takua atu I lalo:
 - a. **Matau** na fakapopolega e iei nei ki na alagatupe maua mai i te hone,
 - b. **Matau** kafai ko te fakatu tenei mo na huiga e he manuia, e ono toe fakafoki na tiute tau pulepulega o na fagotaga ki Niu Hila ma ka iei ai foki he paku lahi ki na alagatupe maua mai i te hone.

Fakamakeke te Faigapa'aga

- c. **Valakau** te Ulu Fakatonu ke fatu he faiga, I ni fetukunakiga ma Tokelau, e fakatatia ai na vaega uma ki na tiute ma na galuega fakatino a Niu Hila ma Tokelau fakatatau ki na fagotaga a Tokelau I te hone.
- d. **Valakau** te Ulu Fakatonu ma te vaega o fagotaga a Niu hila ke fakatatia manino mai te mafuaga, te mataloa/lahi ma te tau o na tautuaga e tuku mai e te vaega o fagotaga a Niu Hila ki te Ulu Fakatonu ma Tokelau, ma tuku mai ni lagona kafai e manakomia

Fakatatiaga mo na Pulepulega mo na fagotaga o te hone

- e. **Malilie** ke tuku mai ni taki, matauga ma ni kikilaga lautele mo na fagotaga o te hone ma fulifuli manatu ki na lipoti e tuku taki kuata tauhaga mai e te Ulu Fakatonu ma na ofiha faigafaiva a Tokelau.

Fakatatiaga mo te pulepulega o na fagotaga o te hone

- f. **Malilie** ke fakatu he kauhaga pulepule mo na fagotaga o te hone mo ni tino faigaluega e toka 3 ma e lipoti hako ki te Minihita e fakahinotonu ki ei na fagotaga,
- g. **Matau** mai mo te Mafuaga o tenei pepa o te kauhaga fou tenei ka fakaigoa ki te Kauhaga Pulepule o na Fagotaga (FMA), kae e ui i

teia ka tuku atu lava ki te Fono Fakamua ma te Malo Fakaauau he igoa fou mo te Kauhaga tenei.

- h.** **Malilie** ke fakaheke uma na tiute ma na galuega fakatino uma a te Kauhaga tenei mai te Mataeke ki te Kauhaga tenei.
- i.** **Malilie** ke hakili ni tino faigaluega mo tenei kauhaga I ni auala faka halalau I Tokelau ma Niu Hila.
- j.** **Malilie** ke fakahoa kehe e te Fono Fakamua he vaega tupe ma te Kauhaga Pulepule o na Fagotaga,
- k.** **Malilie** ko te Kauhaga Pulepule o na Fagotaga ke fakamautu I he nuku e fokotahi,
- l.** **Matau** ko te koga e fakamautu ki ei te Kauhaga Pulepule o na Fagotaga e onoono e te Malo Fakaauau kafai kua tofiagia te kaufaigaluega,

Atiakega o na mafai ma te pulepulega o na fakatinoga

- m.** **Malilie** ke fatu he peleni mo te atiakega o na mafai ma te pulepulega o na fakatinoga fakafagotaga mo te Kauhaga Pulepule o na Fagotaga,
- n.** **Talohaga** ki Niu Hila ke tuku mai he tauofoga ki te kaufaigaluega a te Kauhaga Pulepule o na Fagotaga mo he polokalame faka koleniga mo he 3-6 I te vaega o fagotaga a Niu Hila,

Fakanofotonuga o na Pulepulega mo na Fagotaga o te Gataifale

- o.** **Malilie** ke fakaheke na galuega, na mafai ma te levolo e iei ai nei te kaufaigaluega ki na Taupulega e tuha ai ma te tonu a te fono Fakamua I te 2011.

Fakatinoga ma ne fehokotakiga

- p.** **Matau** e fuafuagia ko te Kauhaga mo te Taupulepulega o na Fagotaga ke pa atu kia Iulai 2015 kua fakatino.
- q.** **Matauko** te fakatinoga o na huiga ienei e manakomia ke iei he Pule Fakahoa e tofia.
- r.** **Fakailoa** ma fautuagia na Taupulega ma na nuku ki a huiga ienei ma na Mafuaga o ienei huiga.

12. TULAFONO FAKATUTU**12.1 TOE TEUTEUGA KI NA TULAFONO O TUPE 1998 MA NA
TULAFONO O FALE TUPE 2004**

Ko te mamalu o te Fono Fakamuana:

i. matau:

- i. te kautu o te pepa;
- ii. ko na fakaataataga o na tulafono toe teuteu na tuku atu ki na Nuku ke fakatalatalanoa ka ko heki nofoia te Fono Fakamua;.

ii. pahia

- i. na Teuteuga Fakatu kua fautua mai ai mo na Tulafono Toeteuteu o Tupe 2015 ma na Tulafono Toeteuteu o Faletupe 2015 iena kua takua I lalo.

PEPA FAKAOPPOOPO 1**Tulafono Toeteuteu o Tupe 2015**

1. Igoa

Ko na Tulafono Toeteuteu o Tupe 2015 ienei.

2. Kua toeteuteu te Tulafono 13

Kua toe teuteu te Tulafono 13 i te:

a. fakaheai o te tulafono 13(iv) kae hui atu kiei te:

“(iv)pe i te manatu o ma ki te tulaga pito lelei o te fakamatalaga o ma e tuha ai ma te fakamaina e tuku atu ki te huketuhui ko na tuhi ko te kikilaga moni ma te fetaui o te fakatupega ma na fakafanoga tupe o na tupe fakamua mo te tauhaga tupe .”

b. fakaheai o te tulafono 13(vi) kae hui atu kiei te:

“(vi) pe i te manatu o te huketuhui, ma te iloa e maua i te hukehukega o na fakamaumauga tau tupe a te huketuhui, ko te pulepulega o na matakupu tau tupe nae ologatahi ma na faiga aloakia fakavaomalo ma na faiga fakahuketuhui.”

c. Ko te fakaheai o te tulafono 13(vii).

PEPA FAKAOPPOOPO 2**Tulafono Toeteuteu o Faletupe 2015**

1. Igoa

Ko na Tulafono Toeteuteu o Faletupe 2015 ienei.

2. Toeteuteu na Tulafono o Fale Tupe

Kua toeteuteu na Tulafono o Faletupe i te tulafono 3(2)(i) i te kave kehea o na kupu “30 Iuni ma 31 Tehema” ma hui kiei na kupu “31 Mati ma 30 Hetema”.

3. Fakatinoga o te Huiga

Ko te fuafuaga muamua o te tupe ola i lalo o na Tulafono toeteuteu ka fai i te vaitaimi mai te 30 Iuni 2015 ki te 31 Mati 2016.

12.2 FAKATUTU O TE TULAFONO A TOKELAU MO VAKA I TE VAI-NUKU 2015

Ko te mamalu o te Fono Fakamua na:

i. **matau:**

- i. ko te kautu o te pepa ke fatu he Tulafono ke maua ai he hihitemi e talafeagai ma faigofie mo te pulepulega o te MV Mataliki I te vainuku o Tokelau;
 - ii. ko na Tulafono o Vaka i te Vai-Nuku 2015 ni tulafono e fai mo te haogalemu o te fakagaluegia o te MV Mataliki. Ko na Tulafono kua fakapipiki atu i te **Pepa Fakaopoopo 1** o te pepa tenei;
 - iii. ko na Tulafono o Vaka i te Vai-Nuku 2015 e tuku mai ai ni fakatulagaga o te haogalemu ieia foki e apalai ki na vaka laku pahehe e galue i te teatea i te gataifale o Niu Hila. Ko te Tulafono 40A ote Tai ma Felakuakiga a Niu Hila e apalai ki Tokelau.
 - iv. ko te vave o te pahiaga o na tulafono fakaataata e taua lahi mo te haogalemu o te fakagaluegia o te MV Mataliki i Tokelau i te vai nuku o Tokelau;
 - v. na fakatalanoa na Tulafono Fakaataata ki te Ofiha o te Ulufakatonu o Tokelau, Maritime Cook Islands, Kapiteni o te MV Mataliki , na Taupulega ma te Fakatonu o te Tulafono o Vaka i te Vai-Nuku 2015 Mataeke o Tautuaga Lagolago.
- ii. **pahia** te fakaataataga o na Tulafono o Vaka i te Vai-Nuku 2015 i he tulaga fakavavevave ona e tatau ona pahia na Tulafono, ka ko heki pa mai te tatou vaka fou, manu e tamilo mai te Loia Faufautua e tuha ai ma te fakatalanoaga o tenei tulafono.

PEPA FAKAOPPOOPO 1

TULAFONO O VAKA I TE VAINUKU 2015

1. Igoa
Ko na Tulafono o Vaka i te Vainuku 2015 ienei.
2. Kautu
Ko te kautu o na Tulafono ienei ke pulepule ai te fakaaogaga o na vaka laku pahehe ieia e fakagalue i te felakuakiga o pahehe mai te tahi motu o Tokelau ki te tahi motu o Tokelau.
3. Fakauigaga
I na Tulafono ienei:

Ulufakatonu ko te Ulufakatonu o Tokelau;

vaka mautotogi tona uiga he vaka e he -

- (i) he vaka tafafao; pe
- (ii) e ola oioti kafai e fakaola e he tino; pe
- (iii) e tele oioti i te fakatūla;

malaga i te vainuku ko he malaga mai he motu o Tokelalu ki he tahi motu o Tokelau, pe he malaga mai he motu toe tamilo ki te motu lava tena;

Tulafono Tau Tai 40A (Maritime Rule 40A)na fai e te Minihita o Felakuakiga o Niu Hila e tuha ai ma te Tulafono Palemene a Niu Hila tau Tai ma Femalaagakiga (Maritime Transport Act 1994) a te Palemene o Niu Hila e veia ona apalai ai ki Niu Hila ma toe teuteu i teia taimi ki teia taimi ma e maua i te:

<http://www.maritimenz.govt.nz/Rules/Rule--documents/Part40A-maritime->

fakagalue, i te hokotaga ki na vaka, ko tona uiga ko te malaga pe ko te fakagalue o te vaka, pe fakamafua pe fakataga te vaka ke malaga pe fakaaoga pe, ke i ho he koga, e tuha lava pe iei ni tino i luga o te vaka;

paheheho he tino e malaga i luga o he vaka, e kehe mai ai ma -

- (i) te kapiteni ma te kauvaka ma ho he tahi tino e fakagalue pe afia i ho he vaega i luga o te vaka i na galuega o te vaka;

- (ii) ho he tino i luga o vaka ona ko na tiute kua tuku ki te kapiteni ke kave ai ni tino na ake, maua i ni fakafitauli, pe ni ietahi tino, pe ko he tahi lava mafuaaga o he tulaga he makalofia e heki mafai ke puipuia pe kalofia e te kapiteni pe ko te tino e o ia te vaka pe ko he tino e totogi e ia te malaga (kafai eiei)
- (iii) he tamaiti i lalo ifo o te 1 tauhaga te matua;

vaka laku pahehe he vaka mautotogi e hilia i te 12 tana pahehe e mafai ke kave;

vaka tafafao he vaka e fakaaoga oioti mo tafaoga a te tino e o ia te vaka ma e he fokia pe fakaaoga totogi pe fai ai he taui, kae he aofia ai -

- (i) he vaka na fai mo felakuakiga pe mo takaloga pe ni fakafiafiaga e a he fakalapotopotoga, faletalimalo, koga mo fakafiafiaga pe ni ietahi lava pihinihi;
- (ii) he vaka e fakaaoga mo ni malaga tafafao kafai e mahani pe fuafua ke fakaaoga ma vaka fagota pe mo te felakuakiga o pahehe pe ko na uta e fakaaoga totogi pe ni taui
- (iii) he vaka e fakagalue pe kaumai e he kalapu, he hohaiete, pe he pihinihi:

Pepa fakamaonia o te numela o te kauvaka ko tona uiga ko te fakamaoniaga o te kauvaka teia e fai i lalo o na tukutukuga a te SOLAS e fakatonu mai ai te tapula o te aofaki o te pahehe i luga o na vaka laku pahehe o te SOLAS;

Vaka tona uiga ko ho he itukaiga vaka e fakaaoga i na femalagaakiga fakatonutonu, e tuha lava pe tele vefea ma e aofia ai -

- (i) he lanihi, he tahi itu kaiga lanihi (lighter), pe ko na itukaiga vaka vena;
- (ii) he vakalapa pe ko he tahi lava itukaiga vaka e mafai ke tele i te lauhavili i luga o te alititai eiei te vaka tena;
- (iii) he vakatofu pe he tahi vaka o te itukaiga vaka tena;

SOLAS tona uiga, ko te Feagaiga Fakavaomalo mo te Haogalemu o te Ola i te Tai 1974, na Tukutukuga e tau ki na Feagaiga iena ma na Pepa Fakaopoopo ki na Tukutukuga iena;

Pepa Fakamaonia o te haogalemu o na pahehe i na vaka o te SOLAS ko

tona uiga ko te pepa fakamaonia mo te haogalemu e fai i lalo o na tukutukuga a te SOLAS mo na vaka laku pahehe a SOLAS;

Tino hukehukeko tona uiga he tino eiei tona pepa fakamaonia e tuku mai e te Ulufakatonu i na fomu e ve ona tuku atu i te Pepa Fakaopoopo 1;

Pepa Fakamaonia a Tokelau mo Hakilikiliga ko tona uiga he pepa fakamaonia mo he tino ke fai ni hukehukega i te fomu e ve ona tuku atu i te Pepa Fakaopoopo 2 ma e fai e te tino hukehuke.

4. **Tulafono Tau Tai 40A**

Ko te Tulafono 40A tau Tai ma Felakuakiga ma ko ona **pepa fakaopoopo 1**, **2** ma te 4 ko te tulafono ia a Tokelau e fakaaoga mo na Tulafono ienei.

5. **Malaga i te vainuku**

- (1) E he lakua e he vaka ni pahehe i te vainuku vagana e iei he pepa fakamaonia SOLAS mo te puipuiga o te haogalemu o te pahehe, mo te vaka tena.
- (2) Ko te aofaki o na pahehe e fekaveaki i te vainuku e he hilia i te numela e fakataga mai i te pepa fakamaonia mo te haogalemu o pahehe i luga o vaka pe he Pepa Fakamaonia a Tokelau mo Hakilikiliga Tokelau
- (3) E tuha ai ko na vaka lakupahehe SOLAS takitahi ieia e taulia ai na Pepa Fakamaonia a Tokelau mo Hakilikiliga e -
 - (i) ko te numela fakatapula ona pahehe e mafai ke fekaveaki i luga o te vaka tena, e fuafua e te tino hukehuke e tuha ai ma te Pepa Fakaopoopo 2 o te Tulafono 40A tau tai ma Felakuakiga. Ko te kautu o te fuafuaga o te numela o na pahehe e fakatatau ki te Pepa Fakaopoopo 2, ko tona uiga ko te vaka laku pahehe SOLAS e fakatapula ana galuega ki te teatea.
 - (ii) Ko te aofaki o na kope fakaola e tatau ke kave i luga o te vaka e fuafua e te tino hukehuke fakatatau ki na manakoga e tatau mo he vaka e fakatapula ana gaeuga ki te teatea ieia i te Pepa Fakaopoopo 4 o te Tulafono 40A tau Tai ma Felakuakiga;
 - (iii) Kua uhitakia e te vaka te fakatatiaga mo te pulumalu ieia i te Pepa Fakaopoopo 1 o te Tulafono 40A tau Tai ma Felakuakiga vena ma na vaega uma mo te fakagaluegia e iei te fakatapula o te numela o te

pahehe e ve ona fakamalohia mai i te potu palakalafa (i).

- (iv) Ni ietahi kauvaka e manakomia ke fakagalue fakaopoopo ki te numela teia kua tuku i te pepa fakamaonia mo te haogalemu o te kauvaka, teia na pahia e te malo e a ia te fuka, teia e fuafua e te tino hukehuke fua ki te mea e kikila ia e fetaui kae amanakia ai na faifaiga pito hili ona lelei fakavaomalo mo he vaka laku pahehe i na itukaiga vaka vena ma te fakahoahoaga talafeagai o na kauvaka e manakomia mo na pahehe i he taimi o he fakalavelave.
 - (v) Kafai e fai he malaga i te vainuku e tuha ai ma na tukutukuga ma na fakatatiaga i he pepa fakamaonia mo hukehukega Tokelau, ko te vaka e nofo i taimi uma i loto o te 30 maila mai te teatea o Fakaofo, Nukunonu pe ko Atafu.
 - (vi) Ko ietahi taofiofiga pe ni tukutukuga vena a te tino hukehuke kafai i tana fuafuaga tautahi ko te mea lava ia e talafeagai, e aofia ai kae he gata oioti ki te tulaga o te matagi ma te galu ma na itula galue, ma ho he tahi meafaigaluega fakaopoopo e taukave e te vaka i te taimi e fai ai hana malaga i te vai nuku.
- (4) Te mafai ke kave te numela o te pahehe e ve ona takua i loto o te pepa fakamaonia mo hukehukega Tokelau teia e fai e te tino hukehuke, e fua i ho te taimi ki te maliega o te Kapiteni o te vaka, ko ia te:
- (i) gafa ma te haogalemu o te fakagalue o te vaka i te taimi o he malaga, te haogalemu ma te logotonu o te pahehe ma te kauvaka, te haogalemu o te uta i luga o vaka, ma
 - (ii) e a ia te toe pule ki te pulega o te vaka kae i lalo ai o tana kikilaga ma te tauhiga ma te fakatonutonuga o tagata uma i luga o te vaka.

6. Tino e fakatino na Hakilikiliga

- (1) E tofia e te Ulufakatonu he tino ke taukave e ia te tulaga o he tino e fai e ia na hakilikiliga ke fakatinoa na galuega a he tino hukehuke i lalo o na Tulafono ienei.
- (2) Ke mafai ke kavea ma tino hukehuke, ko na tino talohaga mo te galuega e tatau ke iei hona fakaamanakiaga mai te Fakatonu ote Mataeke a Niu Hila tau Tai ma Felakuakiga mo te taliagia ma te hakilikiliga o na tama vaka venei e fakagalue i loto o te gataga o te teatea o Niu Hila, pe iei he fakamaoniga o hona mafai mai te Fakalapotopotoga Hohaiete

Fakavahega Fakapitoa teia na fai ai te Pepa Fakamaonia Fakavahega Fakapitoa mo te hakilikiliga o te vaka.

7. Hakilikiliga Fakavaitaimi

- (1) Ko he pepa fakamaonia a Tokelau mo he hakilikiliga na fai e he tino hukehuke e ono mo he piliota pe fakavaitaimi i te mea lava e fai ke uhitakia ai e te vaka na tukutukuga i loto o tona pepa fakamaonia SOLAS.
- (2) Ko na hakilikiliga fakavaitaimi e fai e he tino e fakatino e ia na hakilikiliga pe he tino e tuku kiei te fakatagaga e te Fakalapotopotoga Hohaiete Fakavahega (Classification Organisation) teia kua tofia he fai ma hukehukega e ve ona manakomia ai e SOLAS.

8. Holigatualafono ma na Hala

- (1) Ho he tino e fakagalue e ia he vaka ma holi ai ienei Tulafono, kua holitulafono.
- (2) Ho he tino e holi e ia na Tulafono ienei, kae fakamaonia, e fakahala i he hala e he hilia i te NZ\$150 kafai he tautokatahi kae he hilia i te NZ\$100,000 kafai kafai he kamupani.

PEPA FAKAOPPOOPO 1

**PEPA FAKAMAONIA O TE TINO TOFIA KE KAVEA MA
TINO A TOKELAU E FAKATINO E IA NA HAKILIKILIGA**

Faia i lalo o te mafai o na Tulafono a Tokelau mo Vaka i te Vainuku 2015

Ko au _____, Ulufakatonu o Tokelau,

e fakamaonia nei, ko _____ kua tofia ke
kavea

ma Tino a Tokelau e fakatino e ia na Hakilikiliga o Vaka i lalo o na Tulafono a
Tokelau mo Vaka i te Vainuku 2015

ma kua mafai ke fakatino na tiute o te hiakiga e tuha ai ko na Tulafono iena, ke
pa ki te _____ 20 _____

.....
Ulu Fakatonu o Tokelau

PEPA FAKAOPPOOPO 2**PEPA FAKAMAONIA A TOKELAU ONA HAKILIKILIGA**

**Faia i lalo o te mafai o na
Tulafono a Tokelau mo Vaka i te Vainuku 2015**

Igoa o te Vaka:

Itukaiga Vaka: **Vaka laku pahehe i te SOLAS**

Numela IMO:

Fakailoga e Takua ai:

Taulaga o te Lehitala:

Hohaiete Fakatonutonu:

Aho o te Tukulima atu:

Te mamafa i na Tone:

Ko te pepa tenei e fakamaonia ai ko te vaka kua takua i luga kua uma te fai ona hakilikiliga e tuha ai ko na tukutukuga o na Tulafono mo Vaka i te Vainuku 2015, ma

1. 1. E uhitakia e te vaka na tukutukuga mo te pulumau ieia i te Pepa Fakaopoopo 1 o na Tulafono 40A tau Tai ma Felakuakiga a Niu hila.
2. Kua fakatagagia te vaka ke galue i te vainuku i te felakuakiga o ni pahehe e he hilia i te _____
3. Ko te numela katoa o na kope fakaola e taukave e te vaka e: _____ (taku mai)
4. Ko te numela o ni kauvaka fakaopoopo e manakomia ke i luga o vaka e fakaopoopo ki te

numela kua takua i te Pepa Fakamaonia o te Puipuia o na Fakatinoga ma Tautuaga kua fakatagagia e te Malo e a ia te Fuka,

e: _____

5. Ietahi fakatapulaga/tulaga:

Ko te Pepa Fakamaonia **tenei** e aoga ke pa ki te _____ kafai ko te Pepa Fakamaonia Fakavahega Fakapitoa o te vaka ma te SOLAS Pepa Fakamaonia ote Vaka Puipuia kave Pahehe , e tumau te aoga i timi uma.

Faiai _____ i te _____
Koga Aho

Tino a Tokelau e fakatino na Hakilikiliga

13. FAKAMANUIAGA O NA HUI FAIPULE MA NA HUI PULENUKU

Ko te mamalu o te Fono Fakamua na:

i. matau:

- i. na fakamatalaga I te pepa;
- ii. ki te tatau ona fakamanino na tiute o te Hui Faipule pe ia te ia te mafai ke fakatino ai na tiute o te Tofi Faipule f.t. Faiga o na faipoipoiga & fakamahinoga.

ii. malilie:

- i. ki na totogi ona Hui Tofi e veia ona takua I lalo
 - i. Hui Faipule e \$28,000;
 - ii. Hui Pulenuku e \$30,000.

14. POLOKETI MO TE KIKILAGA O NA MEATOTINO

Ko te mamalu o te Fono Fakamua na:

i. matau:

- i. te kautu o te pepa.

ii. malilie:

- i. ke iei he Polokalame ma Tokelau mo te puipuiga, tauhiga ma te fakaleleiga o na Aheta Lalahi;
- ii. ke aofia I tenei peleni te puipuiga o na lihohi o te natula aua foki ni meatotino mae ko te fakaaoga ho pe ko te hona fakaaoga foki, e afaina ai ftg, oneone, fatu, vai, lau akau mtm

15. INATI O NA NUKU MAI TE TUPE O TE HONE FAGOTA

Ko te mamalu o te Fono Fakamua na:

i. matau te pepa.

ii. malilie ke tuku atu ki te Mataeke o te Tupe, ke tapena mai he pepa e tuha ai ma te fakatu ki he Ata Taki mo na Paketi Tauhaga Tupe, ke tuku atu ki na Taupulega I te mahina o Ianuali 2016 mo ni o latou lagona ma ke fakatalanoa I te Fono Fakamua ka hohoko.

**16. FAKAAOGAGA O NA FEHOAHOANIGA TAU TUPE MAI FAFO MO
TOKELAU E AOFIA AI TE TUPE POLOKALAME MAI TE
FAKALAPOTOPOTOGA O FAIGA FAIVA**

Ko te mamalu o te Fono Fakamua na:

i. **matau:**

- i. te kautu o te pepa;
- ii. na popolega o na Taupulega ki te auala kua fai ai na tonu mo te fakaaogaga o na fehoahoaniga tau tupe mai fafo;
- iii. te fakatu a te Taupulega o Fakaofo, ke na he toe faia he tonu mo te fakaaogaga o na fehoahoaniga tau tupe mai fafo, i fafo o te Fono Tupe ma te Fono fakamua.

ii. **malilie:**

- i. ki te Mataeke o te Tupe ke tapena mai he pepa ki na Taupulega ke fakailoa mai ai na vaega tupe uma e maua mai fafo mo Tokelau kae ke nofo maina ki ei.

17. LIPOTI O NA GALUEGA A TE MALO FAKAAUUAU - Mati – Iulai 2015

Ko te mamalu o te Fono Fakamuana:

i. **matau:**

- i. te Lipoti o na Galuega a te Malo Fakaauau;
- ii. e iei te koulua tonu e takua I te Tulafono Fakavae “*ko na Lipoti o na Galuega a te Malo Fakaauau e tuku atu ki te Fono Fakamua hohoko*”;
- iii. na fautuaga ke tuku mai ko na Lipoti o na Galuega a te Malo Fakaauau ki na Taupulega kae ke nofo maina ki ei ona e mataloa atili te fakatali ki te Fono Fakamua hohoko;
- iv. heiloga kua toe huia te Tulafono, fatoa mafai ai ke fakatino te fautuaga;
- v. e iei na tapenapenaga a te Ofiha o te Malo Fakaauau e fakahavali nei ke fakatino he Akoakoga mo te Pulepule Lelei ma na Hui Fono Fakamua;
- vi. te fakafetai a he Hui ki te Malo Fakaauau ma ki latou na gafa ma te fakatotokaga o na Ipu Hatelite a Fakaofo ma Nukunonu.

**18. TUHI O NA TUKUTUKUGA O GALUEGA KE FAKATINO/MO HE
TAIMI MATALOA – VAKA O TOKELAU**

Ko te mamalu o te Fono Fakamua na:

- i. **matau** te pepa.
- ii. **malilie** ke tapena he pepa ma Tokelau e te Malo Fakaauau ki ana talanoaga ma Niu Hila e loma nei, ke he aofia I te Paketi a Tokelau te vaega tupe mo te fakagaluegia o te vaka fou, ke pa ki te taimi e mafai ai e Tokelau oi taupau lava e ia tana vaka.

19. ILOILOGA O TE TUHI TAKIALA MO TE KAUFAGALUEGA TAUTUA

Ko te mamalu o te Fono Fakamua na:


- i. **matau** te pepa.
- ii. **malilie** ke toe tamilo te Kaufaigaluega o te Atiakega o Tagata Faigaluega ki na nuku ma toe fakatalatalanoa ma fakamaina atili na huiga ki te Tuhi Takaiala mo Tagata Faigaluega.

**20. FAKAFEHILIGIA TE FONO FAKAMUA KI NI MATAKUPU NA TUKU
ATU E TE TAUPULEGA ATAFU I NI TAIMI KUA TEKA**


Ko te mamalu o te Fono Fakamua na:

- i. **matau** te pepa.
- ii. **malilie** ke tuku atu te matakupu tenei ke fakatalanoa ma fakatotoka e te Malo Fakaauau, oi kua tuku mai ai te latoulipoti kite Fono Fakamua ka hohoko.

Fakamaonia e:



Peter Patelesio
Takitaki Fono



Alapati Peter Tavite
Hui Takitaki Fono

30/10/2015

30/10/2015

Ki latou na fakatahi mai ki te Fono Fakamua, Oketopa 2015**Hauatea**

1. Filo Filo
2. Elia Mamoe
3. Pio Tuia
4. Atonio Egeliko
5. Sio Sio
6. Kasimilo Niko

Aliki Faipule

1. Ulu o Tokelau Aliki Faipule Siopili Perez
2. Aliki Faipule Kuresa Nasau
3. Aliki Faipule Afega Gualofa

Aliki Pulenuku

1. Aliki Pulenuku Mose Pelasio
2. Aliki Pulenuku Panapa Sakaria
3. Aliki Pulenuku Fa'afetai Taumanu

Hui Uhu Fono

1. Saili Mataio
2. Iosua Aleni
3. Kelisiano Kalolo
4. Lepaio Simi
5. Tanu Filo
6. Lepeka Tovio
7. Lino Isaia
8. Zak Patelesio
9. Salesio Lui
10. Malia Tavita
11. Gualofa Gualofa
12. Pale Sosene
13. Tinielu Tu'umuli
14. Iona Teata

Hui mai Niu Hila

1. Maria Reynen Clayton
2. Roger Cornforth

Kaufaigaluega Tautua

1. Hina Mete
2. Tealofi Enosa
3. Bosco Penehe
4. Tino Vitale
5. Dr. Silvia Tavite
6. Mika Perez
7. Aleta Aleta
8. Sefo Vulu
9. Hetu Puka
10. Asofa Fereti
11. Kele Lui
12. Joe Suveinakama
13. Ake Puka-Mauga
14. Tiso Fiaola
15. Chanel Vitale
16. Mete Kele
17. Neta Teao
18. Tiga Galo
19. Poasi Tuilotolava
20. Violeta Mausali
21. Asi Pasilio
22. Ta'ase Sio
23. Mika Maiava
24. Safiti Gualofa
25. Tavita Pue
26. Tavita Gualofa
27. Sefo Leo
28. Patrick Lui
29. Aleki Manuele
30. Suliana Peha
31. Hegalo Mapusaga
32. Tenali Iosefa